

Blief kaalm maank lewaai en drokte en figelaaier oet houveul vree der weden kin ien stilte. Akkedaaier mit aal aner lu zunder diezulf te belutjen. Zeg trankiel en dudelk dien woarhaid en heur noar wat anern zeggen, ook zai hemmen heur verhoal. Blief vot van lu dij teveul lewaai hebben of hikhakkerij zuiken, zai moaken het die stoer. As doe diezulf vergeliekt mit aner lu, din kinst doe doar iedeljipsk of grieneg van worren, omreden der zellen aait lu weden dij groder of leutjeder binnen as diezulf.

Gròl zowel van wat doe kloar makt hest as van wat doe veur hest. Hol belangstellen veur dien waark, hou gewoon dat ook weden mag: t is dien eerlieks aigendom ien t veraanderlieke geluk van tied.

Wees verzichtig bie zoaken doun, omreden wereld is vol bekukelderij. Zuzooi nait as n laauwgat ien hangmat van zulfgevaleghaid, mor joag iemeg noa wat doe veur ogen hest.

Blief diezulf ien n wereld vol eelskeghaid. Biesterboan nait ien de laifde, omreden bie ale soorhaid en hiepkonterghaid is zai krekt aiweg as t gras. Leer bie t veurbie goan van joaren, lezzen dij t leven die geven het. Longer nait noar aleer.

Kweek gaistkracht aan, om beschaarmt te weden bie onverwachte rekonkels, mor wor nait verdraideg van spoukbeelden.

Veul bunzelgheden komen vot van muideghaid en aineghaid. Leg die n zonde leefregel op, mor wees doarbie goud veur diezulf.

Bist n kiend van Scheppen, nait minder as bomen en steerns: doe magst ter weden.

Of die t nou aal of nait heller is, doch zel Scheppen hom ontvòllen zoas hai hom ontvòllen zel en zo is t goud.

Heb doarom vree mit God, hou doe ook dinkst hou of Hai weden zel.

Wat dien waark of plannen ook weden maggen, hol vree mit diezulf ien dizze lewaaierege toesternust van t leven.

Mit aal zien filaaingold, triesterghaid en vervenste dreumen is dit nog aait n schiere wereld.

Wees zörgvuldeg. Streef noar geluk.

'Desiderata'

Max Ehrmann, 1927